

In Funere
IOSEPHI
A--GIACETO
Casteluillani Comitiss
&c.

ORATIO
Felici Verduccioli

Perusiæ

Idibus Sept. MDCXLIII.



1891

1891

1891

1891

1891

1891

1891

1891

1891

ORATIO:



Apienti consilio à maiori-
bus institutum posteri lau-
dabiliter tenent, ut ijs ma-
ximè rependatur munus
publici funeris egregijs
Viris, qui sui immemores,
benè in hostem pugnando, in publicæ de-
fensione quietis vitam liberaliter profu-
dere. Nimirum has lacrymas Animæ in-
gentes illo sanguine iure mercantur, nec
fortasse parùm interest nostra, qui super su-
mus, reddita videre Virtuti præmia, gra-
tanque memoriam extinctis, & eorum
sperare decus audere, quorum facta æmu-
lemur.

Qui honos cui iustius debetur, quam
nobilissimo Iuveni Iosepho Agiaco Aqu-
ina, Castellani Comiti, Marchioni Afici,
Duci & Paris Galliarum, prima armorum
velitatione tam fortiter proludenti gloriæ
firæ, quam securitati nostræ intempestive
præcepto? Aut quando magis servandus
colendusque mos est, quam ubi imperio
Optimi Principis ad meritissima excita-
mur officia complorationis & laudum?
Conquiescēt hostilia interim arma, quam-
vis propè auribus ad quartum lapidem
obstreptant, nec turbare volent exequias
veneratione vel metu. Nostra certe redi-
te non continere possunt ad munia, nisi
iustis ante committenti tam carolensis,

4
& composito tamulo, & affusis lacrymis. Sic mœstis vultibus milites, mœstioribus animis parentalia celebrant, versis miserè telis, signisque verrentibus soluni.

Qui scit, vt olim visa *Cæsaris* tunica *Roma* populus furorem caput ad arma, an ipsi quoque spectaculo seu commemoratione permoti capiamus in ultionem? Quanquam verò Augusta pubes latis ipsa incitata, minimè egere potest hoc stimulo. tantum illa sui nutum Imperatoris expectat impatiens. Erit erit animus quodcunque iniunxeris exequendo, & tutandis par membris, & hostibus propulsandis. Si fieri eruptionem libeat, totam portis omnibus prorumpere Ciuitatem videbis, nullo atatum ordinumque discrimine. & qui modò ferre arma possumus, stragem hosti portabimus. Nec nos toga ista inuoluet, facile futura pro sago; succinctique media in agmina prouolabimus, vibraturi pro stilo telum **RELIGIONI ET LIBERTATI, PRINCIPI ET PATRIAE.** Vel, quod omen Deus auertat, si nouitius hic *Anni-*
bal vrgeret Urbem artiùs intendat, mutabit ille nobis fortunam, non fidem; vt *Saguntina* quadam rabie suis ipsa flammis tanto **PERVSIA** fiat illustrior, quanto iustior est causa. Vel apertis effusi campis, nec inulti animam amittentes, si non luo, nostro saltem cruore hostem inundabimus; si non virium robore impetum, at obiectu corporum retardabimus. Tum
nostro

5

nostro auctus sanguine Tyberis , notas illas candidi affectus feret ; nostrorumque cadauerum tot ora , quot vulnera , vbi secundo prouoluta flumine munimenta Urbis intrauerint , dicant. *Hæc sui suprema mittit pignora obsequij DOMINÆ ROMÆ, VRBANO PATRI PERVSIA FIDELIS.*

Sed me ardor abripit A. & augurari meliora iam donat noui *Decij* noua pietas , suum pro nobis caput constantissimè deuouentis . quæ nec auertere Orationem meam aliò patitur , sequè intueri vnâ iubet .

Nam profectò de Nobilitate clarissimi generis , præsertim vbi tanta sit animi Virtus , dicere , nesciam Nobilitatis grauior an Virtutis futura iniuria sit. Iniuria certè fuerit Nobilitatis , si quæ meridiano Sole conspectior micat, eam facula putem Oratoris indigere , quâ luctus quâ ingenij tenebris obscuri. Nec Virtutis iniuria minor, externa adeoque aliena spectasse, quæ sua tantum decora vult æstimari , suis ipsa præualens opibus , vulgaribus inimicis plausibus , nullo tumosa titulo splendidæ vetustatis. Vt fileri præstet in totum , nec ea repeti longius, transuectam olim in Gallias ex primario Italicæ nobilitatis flore vtriusque prosapiam familiæ , & vel *Aquinæ* maternam , vel paternam *Agiae*, præcipua perpetuum potentia & gratia in Aula , præcipuo apud populares fauore , apud exteros fama, Præfecturis Ducatibus

6
Dynastijs, paludamentis fascibus purpuris
clarant, coronisque etiam ac sceptris Sici-
lorum atque Aragonensium regum per af-
finitatis iura connexant, totque heroum
heroinarumque parentem fecundissimam,
quot in lucem dedit foeminas, & quot Vi-
ros. Vnus me rapit satis detinetque *Iose-
phus*, heu tantæ claritatis fulgor extremus.

Ille propitio cœlo in hanc lucem editus
vitæ simul & Domus, de meliore formatus
luto, animatus aura, cum Musis prope va-
gire est visus, Musarum in sinu feliciter
enutritus, ductusque sedulo per eas artes,
quibus erudiri in omnem laudem Nobili-
tas consuevit. Sed præcipue interim, siue
æmulatione domesticæ gloriæ, seu genio
natalis soli, bellicosissimam ubique sobo-
lem educentis, vel innata verius propen-
sione ingenij sui, altiore quadam flamma
ardere bellici decoris; nec Mineræ ami-
cus videri malle, quam Bellonæ. Sic
tamen, ut ea curaret in primis, quæ com-
paranda necessario intelligeret futuro mi-
liti, & magnum in Ducem euasuro. Qui
vel dirigentium monitu, vel suo ipsius in-
stinctu, quæ pollebat maturitate iudicij,
probe nosset, *magis quidem nostra referre,
quod primarum sedium Sapiens dixit, for-
tiores fieri quam doctiores, sed alterum sine ul-
tero non dari.* qui & sæpius inaudisset, in-
gentia illa Imperatorum nomina Martia-
lem denum in campum Palladiæ schola
prodiisse, nec pulchrum duceret validum
corpore,

corpore, infirmum animo.

Itaque cum Lutetiae Parisiorum ubi natus, inde *Auenionensi* Academia, mox *Romana* & *Bononiensi* daret studiis illustre ingenium; incredibili temporis parsimonia, in laborem pertinax, somni modicus, deliciarum expertus, voluptatum ignarus, id sat agere vnum intentus, vt Reip. quam primum utilis, praeuectus annos, sua maior expectatione, melior fama, quod expectare posset a tēpore, praeiperet ab industria.

Sermones habere plures, non leue ad reliquae vsunt vitae, maximumque in militari momentum. vbi tot variae nationes moribusque discordes, communionē istā linguarum facile sociantur. Et quanta illa peritia Deus bone! *Ennium* suum tri-cordem appellauit antiquitas, tri linguam mirata, Graece Osceque & Latine doctum. Qui differentem Italice nostrum audiret, in Gallijs genitum moraturumque vix crederet: qui rursus Gallicē, nunquam patrijs ē finibus pedem iuraret extulisse.

Nec fallere fortasse minūs Hispanos Illyricosque, si foret ē lingua iudicium, potuerit, quam Germanos fallere hostili exacie heū nuper potuit, quibus eloquio fraudem celante illatus, quot subito clades intulit, cum volucris circumuectus equo, nec semel terrore attonitis elaberetur impune? Adeo non loqui solum & intelligere expedite, sed & scribere norat

8
pari in omnibus elegantia, sic ut in una aliqua paucissimi solent. Iam vero Latina Venus, seu poetica luderet amœnitate, siue alius oratoria maiestate tonaret, vel nullis Rhetorum infuscata luminibus, in familiares amicorum cōgressus immeditata pro-
ferret, quantum alijs ubique stuporis, illi peperit laudis?

Atque hæc satis linguæ videri debebant anido quàmuis ingenio, quæ commercio quodam Europam continent, & ad mutua pacis bellicquæ negotia committunt. Cupiditas tamen adegit expleri nescia, ut plurimarum veluti matrem ac reginam linguarum adderet Græcam, opinor nè ut *Cato ille Censorius* legatione aliquando functurus ad Græcos, opus haberet interprete; haussitque breui feliciter adeo, quasi unum hoc studium tota vita tractasset.

Et alias quidem linguas alijs in locis, alijs alibi Doctoribus didicit. in Græcâ, magistrum *Roma* habuit. Virum eruditissimum, quem honoris & affectus mei ergo nominatum hic volo, *Henricum Dormacium Leodiensem*, mihi ante annos aliquot *Perusia* cognitum & amicum.

Sic ille instructus excultusque tot linguis, cuius esset dubitatum à plerisque scio interdum fuisse. ac te certè *Mithridatus* decus in longiore utinam vita æquaturum, septem illæ nationes septi loquum sibi optarunt in ciuem, non vanè facturæ, quod *Homero* contigit, septi. patrium. Sed tibi placebat Romano

Romano esse, Romanoque spiritum dedi-
casse Pontifici, qui & animo clarius quàm
stemmate, regiam Liliorum pompam at-
tolleret,

Vnde pia pascuntur APES.

Atqui laborare perpetuò linguæ, nūquam
menti, ridicula enimvero cura est, & os
plenum habere facundia multiplici, omni
vacuum pati cerebrum Sapia. Non
itā inclytus Comes; qui vel inter ipsa
crepundia cum flores captaret, fructus
legit, in id maximè anxius, nè videri puer
posset in senectute, si sui tantum temporis
acta narraret. etsi Deus illi senectutem
haud indulgit, cui esse dederat in puero
senem. Sic solidæ quærens frugis, non
voluptatis euanidæ, gnarus expeditum ac
breue per veterum exempla ad pruden-
tiam iter fieri, omnem Antiquitatem lu-
strat cupidissimè, videt recentia, Romā-
nam Græcam barbaram terit historiam,
colit Sacram, prophanam non spernit.
Et benè debueras lectitandis historijs in-
pensè oblectari, futurus & tu quondam
illustris historiarum materia, nomen insi-
gne; qui exitu tam glorioso debueras no-
strorum temporum Annales nobilitare in
omnem admirationem posteritatis.

Nec satis A. Ciuili naturalem addit, pe-
netratque sacratiora Naturæ adyta,

*Et quacunque olim caritis latuere discretis;
potuitque iure philosophis accenseri; non
eorum tamen numero philosophantium,*

quorū *philosophia* sententia est, *ignavia opera*, qui ut omnia sciant, nihil agunt, de libris tantum pallidi, tenebriones a nocte, olidi è lucerna; iam pridem sepulchris digni corpore simul tegi cum nomine; qui viventium è coetu profugi sponte, mortualem quādam cum mortuis vitam degunt, ac veluti criptis æternum conditi, in veterum scriptis, Sapientum monumentis. Non ille, ut aliqui nummis modò vtuntur ad numerandum, quod scite olim Atheniensibus obiecit *Anacharsis*, scientia velduntaxat velle ad sciendum; sed operi serio addictus, ad mores cuncta vitamque referre.

Atque eo potissimum fine *Athica* institit, excurret *Oeconomica*, totaque Politicæ tenuit, & Mathematicas omnes, quæque ad militiam propriè pertinent: ut vel instruere acies, arces ponere, vel suis hostem invadere munimentis, nudare propugnaculis posset, quam qui facillimè, prouectoribus ætate par multis, coæuorum superior omnibus, machinator admirandus.

Reddat hic mihi vnus testimonium nostri sæculi *Archimedes*, virtute eminentior quàm fortuna *Vincentius Card. Maculani* à *Florentiola*, qui nimium quantum plausic sibi alumno tali, planget erepto; cui quicquid eximium in arte, arduum opere, nec proclive intellectu monstraret, igneo ingenio statim corripit, omniaque vt

si ante percepta & nota in vulgus capi,
ideo forsitan mirari desierat, quia iam
illi solemne; non desinet prædicare dum
viuet, quia nouitate rarum apud alios erit,
quàm præclarum exemplo.

Et illa aliquid sunt A. delineare graphi-
cè, saltare eleganter, voce vel fidibus ca-
nere modulatè, ferrum valide stringere,
numeros gladij callere omnes, hastiludio
præcellere, tela mittere vt nemo certius,
equum domare vt *Alexander*, frenis fle-
ctere vt *Cassio*. Aliquid dixi? imo ma-
gna, aliorum tamen comparatione minu-
ta & minima.

Vel quanto gratior pulchrè habitans
Virtus? & quæ illa formositas aspectusque
viriliter toruus, & supercilium graue seni-
liter? illa frontis amœna maiestas, facies
liberalis oblonga decens, confusus leni
rubore candor & splendor dulcis, viuax
oculorum coniectus & castus color, sub-
flauo nitens castigata non lasciuia cesaries,
liber in affectatus incessus, & totius oris
nulla nube laesa serenitas, & totius dignitas
corporis Principe digna? vt non alium
fuisse quis merito dicat intantum Phœ-
bum.

An supra humanæ linguae audaciam
fuerat, humana sub forma sine fabula An-
gelum dicere? talis certe integritas, talis
vita, talis visus. Et videre equidem me-
mini homine angustiore, sacris in æd-
bus sacris precationibus intentissime desi-

xum, & tota mente abstractum in Deum: audiuiquē ab alijs postea mira & stupenda. tanta ubiquē modestia, tantum vel in ipsa vitiorum nomina iuratum odium, tantus amor honesti & Virtutis. Sic ad humanitatem facti mores, & eruditæ consuetudinis blanda suauitas; nihil in verbis petulans, nihil arrogans in gestu, omnia continentia pudore comitate simplicitate venerabilia. Animi cultu præminere non corporis, temperare frugalitate cibos, sanctitate ludos, nescire ætatis vel Domus illecebras, & per aspera quæque in laudem ire; erant ne ista demum claustris an castris nata, religiosæ disciplinæ meditamenta & præludia, an militari? O potius indolem cœlo digniorē, quàm terris! o triumphantem prius, quàm pugnantem! o ante victorem, quàm militem, exorsum feliciter victorias à victoria sui!

His igitur naturæ dotibus atque artibus præmunitus ingenij Heroū germinis Adulescens, & quod in tanta Virtutum fama vix credituros posteros putem, haud ita pridem posita puerili prætexta, octauum & decimum annum agens, audito, Catholicos in Italia Principes, quorum erat Catholicæ religionis caput, cœli clauigerum, Sanctiss. Diuinitatis interpretem, omni ope tueri atque defendere, inito inter se foedere coniuratos, furialia in Ecclesiasticos fines arma inferre, & Apostolorum Principis iura & Sacra omnia contumaciter

maciter lacerare ; proli quantus & quam
nobiles exarsit in iras ! *Et me quoque*, in-
quit , *rapier hæc flamma . iuvat obuiam ire*
rebellibus , pectus obijcere . vel quo auspicio po-
suisse felicius militia rudimenta , quàm ubi cu-
pressus degenerant in lauros , & clades ipsa vi-
ctoria est ; ubi tam optabile vinci quàm vin-
cere , & pro Deo mori ?

Sic inter primores lectus in contuber-
nium Principis , *Bononiam ac Ferrariam*
profectum , & nostris accurrentem peri-
culis nuper secutus , hic etiam visus ; sed
usura temporis nimium breui , ac tanquam
fulgur . O fluxa mortalium gaudia quam
cito vanescitis , & vos quam momento
semper fugaces humani generis deliciae ,
caduci amores !

Dies ibat postrid. Non. Sept. nobis heu
vel hac vna iactura nigros inter ac nefas-
tos . Nostri biduo antè *Curtiani* castris
emissi , duorum ferme millium peditum &
quingentorum equitum agmine , cum tor-
mentis campestribus omnino quattuor ,
substitierant imbre impediti ad Castellum ,
cui à *S. Martino* est nomen . Inde viso hoste
non procul , cum leuibus , quantum conie-
ctare & explorare potuerant , copijs , præ-
uertere audacter placuit , quâ recta itur ad
Urbem plebis & transitum occupare , quò
primùm intenderant . Verùm ille totum
exercitum è *Manssonis villa* , quibus se sta-
tiuus mensem tenuerat , per *Mont. bonum* &
Mugnatum manè adducebat occultus , ef-
fectisque

lectisque duodecim puguatorum milibus
 cū duodecim tormentis maioribus, hæere
 antecedentium vestigijs passu non segni.
 Ita expectare insequentem, seque prælio
 expedire, consilium vel necessitas fuit.
 Sed quid tam pauci aduersus tam multos?
 & tamen ea militum virtus & prudentia
 exitit Ducum, ut non paullo plures ex
 hostium acie dicantur cecidisse, quàm è
 nostra, licet impulsæ tandem, superantē
 multitudine, & in parte disiecta. Atque
 utinā nostras quoque coniunctim cohortes
 reliquas, cum numero tum robore va-
 lidiores, aduolare in auxilium laborantibus
 suis voluisset clemens Deus! potuit eo
 die vno certamine profligari bellum, &
 clausus in medio hostis venire in potesta-
 tem, vel deleri, vel fundi. Sic ubi rebo-
 antia tormentorum tonitrua ex vrbe ca-
 pinus exaudire, surgentemque atras in-
 nubes videre fumum (nec enim ultra duo-
 decimum absumus milliare) credebamus
 non dubie, non vanè natura præcipientes
 gaudia, plenumque nostris meditantes
 Ducibus præana Victoribus; virium vide-
 licet bene gnari & locorum.

Planities minimè vastum in orbē, crebris
 irrigua riuulis, & Nestorio foecunda amne,
 interiacentibus tumulis, & inæqualitate
 quadam læta procumbit; amicis plerum-
 quē ac frugiferis cincta montibus, vnde
 propē in Amphitheatri formam surgentia
 villarum oppidorūque culmina, quæ ipsis
 elata

15
elata verticibus, quâ humilioris proiecta
dorso, videntur quodammodo sui specta-
culo velle pulcherrimo ludentis-gauden-
tis Naturæ.

Nulla tamen regionem res commendat
magis, quàm dextrorsum in medio supra-
viam colle, subiectum oppidulo *Montis Ie-
mini*, Templum DEI-PARÆ, structura ma-
gnificum, donarijs opulentum, religio-
sum vndique suspensis tabellis & anathe-
matis, multa populorum pietate etiam in
longinqua celebre, & præsentissimo DI-
VÆ Numine.

In eum locum nostri subduxerant sese,
& instruxerant pugna. Signo dato con-
curritur; horis aliquot dimicatur egregie,
paribus utrinque animis, non viribus.

Et quis ille ardor *Castellani Comitis*?
audere omnia, nihil metuere, procurrare
obiectos in ordines, perrumpere, circum-
ire, globos disjicere, confertos funde-
re, & terrorem latè cædemque facere, &
lassare equos plures ipse indefessus, & mo-
dis omnibus ferire sternere eludere; voce
alios manuque hortari, firmare, accen-
dere, & ubique Martem Victoriâque
ciere ferociter. *Castellanus* conspici im-
primis, unus præ cæteris ostentari *Castel-
lanus*, suis pariter hostibusque Ducique
& militi laudatus, ut *Mars* pullus, ut *Am-
phitryonides*, vel ut alter videret *Tyndarida*.

Sed rescivi. bono scilicet militia scito,
non ille in aciem ieiunus exiuerat, sumpto

commodum cibo , & largè ientatus in
templo; cum VIRGINE adorata supplici-
ter, deterfis animæ puræ labeculis, quod
& *Curiano* dudum discedens fecerat, po-
tentissimo Diuorum refectus ferculo, &
verè militari viatico, renouato ad aram
Sacramento addictissimæ voluntatis hu-
millimæ, ex illo Augustali, ex illa mensa,
veluti è coelo missus, erupit.

Primus certamen iniueras, & petiti ho-
stis primum decus tuum est. Iam excede
postremus, & sit sudoris & cruoris & lau-
dum abundè. Heu parce tandem bellator
inuicte, nimius animi. fatis spectata Vir-
tus vel hosti miraculo fuit. Parce, & te
melioribus fatis reserua. Iam vides vndi-
que cinctum latus, deprehensum solium,
& truces in minas vultus, & collimantia in
vnum tela. Iam pacem audis offerri, &
vicisse contentos non tuum illos sangui-
nem, sed manum, & suam palmam expo-
scere. Tu tamen adhuc nescio quem
propius ausum accedere, verbisque soli-
citare procacibus ad deditiorem, indi-
gnatus iugulo traijcis subito ictu, equo-
què exanimem deijcis, in vno paulisper
aliorum audacia repressa. Tux beneficio
dextræ, non clementiæ hostilis tuam de-
bere salutem vis, an effugium. nec esse
tibi gratum poterat munus, quod veni-
ret ab ingratis. Pugnabas pro publica
fide, pro Romano imperio, pro Sacro-
rum Rege Maximo, Petri Successore Opti-
mo,

mo, Christi Vicario; qui nec Romano lauream tibi, sed cœlesti optaueras Capitolio. Ecce autem, heu me! nimbus ardens plumbeæ grandinis, VIVAT ECCLESIA VIVIT DEVS, clamantem medijs vocibus interruptit.

O virtutis emeritæ veterana in ipso throno felicitas; quæ dum victa cadere videtur terris, altius exurgens victrix expugnat cœlum. Referant alij gradum per accliuia, sequè tutos credant Iouino Monte, tu editiorem collem, munitiorem arcepi spectabas olympum, & Iouem verum vindicem Deum. Nec interim à Diuina tua Pallade procul abscedis, vel auertis oculos, cui perpetuo hæsisse corde intimo gaudes. vt ea vicinitate Numinis alacer, fabuloso melior salmonæo, verè fulminares, nempe in Dominæ gratiam; cuique ardorem pectoris testatum maximè illo sub aspectu volueris; qui nec mercedem optares aliam, quàm belligeræ tuæ DIVÆ placuisse. quæ tibi sola stimulos faceret ad pugnam, animos adderet ad victoriam, stellarumque coronaliū ferta pararet in præmia.

Actibi quidem sic obeunti laudes debentur non lessus, elogia potius quàm lamenta, nec tam defuncto epicedia, quàm epinicia victori; vt funeralis pompa per tot egregiam meritorum memoriam celebris videri debeat triumphalis. Quis tamen Myrmidonæ Delopumque aut duri miles Vlyssæi
tem.

temperare possit à lacrymis; vel quæ Stoica durities imperare dolori tanto? Inge-
nuere milites cum eadente prolapsi, &
quamquam sustinere impressionem dia-
tius poterant; puduit ultra pugnare vel
vincere; nec dubiam cum campo, cruen-
tam tamen ac luctuosam, hosti relinquere
victoriam; qui & lacrymas fertur Croco-
dili dedisse, ipso nefas Imperatore da-
mante.

Et quod tutum pectus fuerit ad impro-
visi telum nunciij, Pater miserrime, pigno-
re tam grandi orbe senex? Qui tali tuo fi-
lio sospite ac superstite superare tibi meri-
to fortunam videbare omnium, quilibet
ros genuissent. Quæ non compositæ men-
tis firmitas, quod non infractæ constan-
tiæ robur cedit vulnere, immanitati sue-
cumbet? Agè tamen humanis affectibus
altior, ostende te dignum illa opinione,
quæ per Orbem de te sparsa; dignum illa,
qua intinuisse frueris familiari consuetudine
SUMMI Mortalium, & animo & sanguine
coniunctissimus. Obscura antiquorum
exempla documento ad posteros magis il-
lustri, & quemadmodum pati acerba na-
torum funera Parentes debeant, discant à
te. Quæ vnicuique gentis fulcrum, spem
illam vnicam amplificandæ ne dum con-
servandæ familiæ, illum tot prærogativa
Virtutum Verè Principem Iuvenutis an-
tis & viuis. Agè Nati æmulare gloriam tui,
Atque per Deum his etiam titulis ambo
pariter